



Broj: 11-11-2-2768/25
Datum: 12.09.2025. godine

Na osnovu člana 41. stav (1), a u vezi sa članom 45. stav (3) Zakona o unutrašnjim poslovima Federacije Bosne i Hercegovina („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2025. godinu, v.d. direktor Federalne uprave policije, d o n o s i

ODLUKU
o izboru najpovoljnijeg ponuđača u predmetu javne nabavke „Sukcesivna isporuka
potrošnog materijala za čišćenje“

I.

Prihvata se prijedlog Komisije za provođenje konkurentskih i pregovaračkih postupaka nabavke, u predmetu javne nabavke „Sukcesivna isporuka potrošnog materijala za čišćenje“, te se ugovor dodjeljuje ponuđaču „Defter“ d.o.o. Sarajevo, čija cijena ponude iznosi 418,00 KM bez PDV-a.

II.

Odabrani ponuđač je dužan, u skladu sa tačkom 2. tenderske dokumentacije, u roku od pet (5) dana dostaviti dokaze koji su traženi tenderskom dokumentacijom.

III.

Po okončanju roka za žalbu ugovorni organ će pozvati izabranog ponuđača zbog zaključivanja ugovora.

IV.

Za izvršenje odluke zadužuje se Sektor za finansije i javne nabavke.

V.

Odluka se objavljuje na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI.

Odluka stupa na snagu danom donošenja.

Obrazloženje

Federalna uprava policije je provela konkurentski postupak javne nabavke „Sukcesivna isporuka potrošnog materijala za čišćenje“, broj Obavještenja o javnoj nabavci: 1412-7-1-234-3-146/25.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost ugovora iznosi 34.188,00 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2025. godinu, broj Rješenja o imenovanju: 11-11/4-30-2-1409 od 31.12.2024. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Na osnovu Zapisnika o ocjeni i pregledu ponuda evidentno je da je Komisija blagovremeno i pravilno izvršila otvaranje ponuda i ocjenu kvalificiranosti ponuđača, o čemu je sačinila odgovarajuće zapisnike, u kojima je utvrđeno da su blagovremeno zaprimljene tri (3) ponude, i to od ponuđača Aero Exclusive d.o.o. Sarajevo, Defter d.o.o. Sarajevo i Ahsen Global d.o.o. Sarajevo, te da nije bilo neblagovremeno zaprimljenih ponuda.

Komisija je konstatovala da su zaprimljene ponude ponuđača Aero Exclusive d.o.o. Sarajevo i Defter d.o.o. Sarajevo formalno-pravno prihvatljive, dok je ponuda ponuđača Ahsen Global d.o.o. Sarajevo formalno-pravna neprihvatljiva jer isti nije dostavio izjavu da će, ukoliko bude izbran, dostaviti garanciju za uredno izvršenje ugovora.

Također, Komisija je izvršila matematičku kontrolu ponuda te utvrdila da su ponude ponuđača Aero Exclusive d.o.o. Sarajevo i Defter d.o.o. Sarajevo matematički ispravne, dok ponuda ponuđača Ahsen Global d.o.o. Sarajevo nije ispravna jer je dostavljen nepotpun Obrazac za cijenu ponude—robe - Aneks II, odnosno ponuđač je za artikal pod rednim brojem 21. (Kese tregerice 100/1, dimenzije 260+(2x75) x 490 mm) u rubrici jedinična cijena po stavki bez PDV-a napisao „nejasan opis“ i nije navedena cijena, a također i zbir pojedinačnih stavki ne odgovara ukupnom zbiru.

S obzirom da je tenderskom dokumentacijom predviđeno provođenje e-Aukcije Komisija je Sektoru za finansije i javne nabavke uputila dopis sa listom ponuđača koji su dostavili prihvatljive ponude, a u svrhu provođenja e-Aukcije. Aktom Sektora za finansije i javne nabavke, broj: 11-19-11-2-2768/25 od 09.09.2025 godine, Komisija je obaviještena o rezultatu provedene e-Aukcije.

Shodno navedenom, a u skladu sa kriterijumom za dodjelu ugovora u konkretnom postupku nabavke (najniža cijena), od strane Komisije je ugovornom organu data preporuka da se ugovor dodijeli ponuđaču „Defter“ d.o.o. Sarajevo, čija cijena ponude iznosi 418,00 KM bez PDV-a.

Na osnovu naprijed navedenog, a u skladu sa članom 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od 5 (pet) dana od dana prijema ove Odluke.

**V. D. DIREKTOR
(Načelnik SKP-a)
GLAVNI INSPEKTOR**

Vahidin Munjić

DOSTAVITI:

- Sektor za finansije i javne nabavke;
- ponuđačima;
- a/a.-